

BOSNA I HERCEGOVINA  
FEDERACIJA BOSNE I  
HERCEGOVINE  
TUZLANSKI KANTON  
OPĆINA ČELIĆ  
OPĆINSKI NAČELNIK



BOSNIA AND HERZEGOVINA  
FEDERATION OF BOSNIA AND  
HERZEGOVINA  
TUZLA CANTON  
ČELIĆ MUNICIPALITY  
MUNICIPAL MAYOR

Tel: 035/668 650

Fax: 035/668 672

Broj: 02-45-216-2/21

Čelić: 22.07.2021. godine

A. Izetbegovića 60-2. 75246 Čelić

E-mail: [opcelic@gmail.com](mailto:opcelic@gmail.com)

Na osnovu člana 70. stav (1), (3) i (6), članova 88. i 89. Zakona o javnim nabavkama Bosne i Hercegovine („Službeni glasnik BiH“ broj: 39/14) i člana 39. Statuta Općine Čelić („Službeni glasnik Općine Čelić“ broj: 3/17), člana 16. Pravilnika o postupku javnih nabavki roba, usluga i radova u Općini Čelić, broj: 02-45-901/21 od 16.03.2021. godine, na Preporuku Komisije za nabavku broj: 02-45-216-2/21 od 22.07.2021. godine, u postupku javne nabavke Konkurentski zahtjev za dostavu ponuda za javnu nabavku goriva za službena motorna vozila, Općinski načelnik donosi:

### **O D L U K U**

#### ***o izboru najpovoljnijeg ponuđača***

##### **Član 1.**

Prihvata se Preporuka Komisije za javnu nabavku broj: 02-45-216-2/21 od 22.07.2021. godine i Ugovor o nabavci goriva za službena motorna vozila dodjeljuje se ponuđaču „Jasko Trend“ d.o.o Čelić, ponuda broj: 15/21 od dana 09.07.2021. godine, zaprimljena na protokol ugovornog organa dana 13.07.2021. godine, po ponuđenoj cijeni u iznosu od 5.311,07 KM bez PDV-a, a ukupna cijena ponude sa PDV-om i popustom iznosi 6.213,95 KM.

##### **Član 2.**

Obavezuje se ponuđač iz člana 1.ove Odluke da u roku od 5 (pet) dana od dana prijema ove Odluke dostavi originale ili ovjerene kopije dokumentacije navedene u Tenderskoj dokumentaciji broj: 02-45-216-2/21 od 01.07.2021. godine.

##### **Član 3.**

Prijedlog ugovora o nabavci dostavit će se na potpis izabranom ponuđaču iz člana 1. ove Odluke u roku od 10 (deset) dana, računajući od dana kada je ponuđač koji je učestvovao u predmetnom postupku nabavke obaviješten o izboru najpovoljnije ponude.

##### **Član 4.**

Ova Odluka stupa na snagu danom donošenja i objavit će se na web stranici općine Čelić, u skladu sa članom 70. stav (6) Zakona o javnim nabavkama („Službeni glasnik BiH“ broj: 39/14), istovremeno sa upućivanjem iste ponuđaču koji je učestvovao u predmetnom postupku nabavke.

### **O b r a z l o ž e n j e**

Postupak javne nabavke goriva za službena motorna vozila pokrenut je Odlukom o pokretanju postupka javne nabavke broj: 02-45-216-2/21 od 30.06.2021. godine. Predmetna nabavka provedena je putem postupka konkurentskog zahtjeva za dostavu ponuda. Procijenjena vrijednost javne nabavke iznosila je 5.186,61 KM bez PDV-a. Obavještenje o nabavci broj: 306-7-1-54-3-14/21 objavljeno je na Portalu javnih nabavki dana 01.07.2021.

godine. Poziv za preuzimanje tenderske dokumentacije u sistemu „E nabavke“, broj: 02-45-216-2/21 od 01.07.2021. godine putem pošte proslijeđen je slijedećim potencijalnim ponuđačima:

- „Tehnopetrol“ d.o.o. Tuzla, PJ benzinska pumpa Čelić,
- „Pegišped“ d.o.o. Ratkovići,
- „Fasogas“ d.o.o. Šibošnica,
- „Jaskotrend“ d.o.o. Vražići.

Komisija za javnu nabavku imenovana Rješenjem broj: 02-45-216-2/21 od 30.06.2021. godine, nakon provedenog postupka otvaranja ponuda u skladu sa članom 63. Zakona o javnim nabavkama („Službeni glasnik BiH“ broj: 39/14), dostavila je ugovornom organu – općinskom načelniku Zapisnik o pregledu i ocjeni ponuda broj: 02-45-216-2/21 od 22.07.2021. godine, Preporuku o izboru najpovoljnijeg ponuđača broj: 02-45-216-2/21 od 22.07.2021. godine i Izvještaj o radu komisije broj: 02-45-216-2/21 od 22.07.2021. godine.

U postupku po Izvještaju o radu je utvrđeno da je Komisija za javne nabavke blagovremeno izvršila otvaranje, pregled i ocjenu pristigle ponude, o čemu je sačinila odgovarajuće zapisnike, u kojima je utvrđeno sljedeće:

- da je u predmetnom postupku nabavke primljena jedna ponuda - „Jasko Trend“ d.o.o Čelić,
- da je blagovremeno primljena jedna ponuda,
- da nije bilo neblagovremeno primljenih ponuda,
- da je ponuda „Jasko Trend“ d.o.o Čelić kvalifikovana i prihvatljiva.

U postupku donošenja ove Odluke, posebno su cijenjene činjenice da je Komisija pravilno i potpuno izvršila ocjenu kvalifikovanosti ponuđača, te pregled i ocjenu ponude, u skladu sa kriterijumima iz Tenderske dokumentacije.

U postupku ocjene provedenog postupka nisu nađene nepravilnosti niti propusti u radu, koji bi eventualno bili osnov za neprihvatanje preporuke Komisije za javne nabavke.

Naime, u postupku je ocijenjeno da je Komisija u svemu pravilno postupila, da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i Tenderskom dokumentacijom.

Uvidom u priloženu dokumentaciju utvrđeno je da procijenjena vrijednost nabavke bez uključenog PDV-a iznosi 5.186,61 KM i da je kriterij za dodjelu ugovora najniža cijena.

Cijena jedine pristigle ponude ponuđača „Jasko Trend“ d.o.o Čelić iznosi 5.311,07 KM bez PDV-a, što je za 124,46 KM više od procijenjene vrijednosti javne nabavke. S tim u vezi, Komisija je pristupila provjeri tržišne cijene goriva i utvrdila da je od momenta pokretanja postupka javne nabavke, do dana otvaranja ponuda došlo do poskupljenja cijene goriva na tržištu.


Obzirom da je u ponovljenom postupku nabavke goriva za službena motorna vozila pristigla jedna ponuda i to ponuđača „Jasko Trend“ d.o.o Čelić i da je ocijenjena kao prihvatljiva, ali je cijena iste za iznos od 124,46 KM veća od procijenjene vrijednosti javne nabavke, Komisija za javnu nabavku je predložila da se kroz rebalans budžeta predvide dodatna sredstva za finansiranje ove nabavke, te izvrši prihvatanje navedene ponude i shodno članu 70. Zakona, donošenje Odluke o izboru ponude ponuđača „Jasko Trend“ d.o.o Čelić kao prihvatljive za predmetnu nabavku.

Iz navedenih razloga, primjenom člana 64. stav (1). tačka b) Zakona o javnim nabavkama Bosne i Hercegovine („Službeni glasnik BiH“ broj: 39/14), člana 8. stav (2) tačka (d) Pravilnika o uspostavljanju i radu Komisije za nabavke („Službeni glasnik BiH“, broj: 103/14), člana 39. Statuta Općine Čelić („Službeni glasnik Općine Čelić“ broj: 3/2017) odlučeno je kao u članu 1. ove Odluke.

**Uputstvo o pravnom lijeku:**

Protiv ove Odluke može se izjaviti žalba, najkasnije u roku od 5 (pet) dana od dana prijema ove Odluke. Žalba se podnosi Ugovornom organu u pisanoj formi direktno ili preporučenom poštanskom pošiljkom i to u najmanje tri (3) primjerka.

OPĆINSKI NAČELNIK

  
Admir Hrustanović, dipl. oec

Dostavljeno:

1. Ponuđaču
2. Službi za računovdštvene, poslove trezora, privredu i razvoj općine Čelić
3. Za općinsku web stranicu
4. Evidenciji
5. Arhivi

